



An tSeirbhís um Cheapacháin Phoiblí Public Appointments Service

Leabhrán Eolais an Iarrthóra

GARDA FAOI OILIÚINT 2024

Tá sé i gceist ag an tSeirbhís um Cheapacháin Phoiblí agus Coimisinéir an Gharda Síochána próiseas roghnaithe agus ceapacháin a reáchtáil do Ghardaí faoi Oiliúint.

Dáta Dúnta: 3:00i.n. Déardaoin 8ú Feabhra 2024

UA an Fheachtais: 2400104

Tá an tSeirbhís um Cheapacháin Phoiblí agus An Garda Síochána tiomanta do pholasaí Comhionannais, Éagsúlachta agus Cuimsithe.

Reáchtálfaidh an tSeirbhís um Cheapacháin Phoiblí, ar son an Gharda Síochána, na gnéithe roghnaithe den chomórtas seo de réir an Chóid Chleachtais chuí, a d'ullmhaigh agus a d'fhoilsigh an Coimisiún um Cheapacháin Seirbhíse Poiblí (CCSP) agus tá siad ar fáil ar www.cpsa.ie.

TEAGMHÁIL LE: AN TAONAD EARCAÍOCHTA DO RÉIMSE AN DLÍ AGUS AN CHIRT
AN TSEIRBHÍS UM CHEAPACHÁIN PHOIBLÍ
ÁRAS NA CAIBIDLE
26 – 30 SRÁID NA MAINISTREACH UACHTARACH, BAILE ÁTHA CLIATH 1

URL: www.publicjobs.ie

Ríomhphost: GardaTrainee2024@publicjobs.ie

Achoimre ar an gComórtas

Tuarastal

Tabharfar íocaíocht de €305 sa tseachtain do Ghardaí faoi Oiliúint ar feadh na 36 seachtaine sula ndeimhnítear iad. Cuirtear lóistín agus bia ar fáil i gColáiste an Gharda Síochána. Deimhnítear Gardaí faoi Oiliúint tar éis 36 seachtaine agus cuirtear iad ar an gcéad phointe den scála tuarastail, €35,322. Tá tuilleadh eolais faoin gConradh Oiliúna agus faoi na Coinníollacha Seirbhíse ar fáil [anseo](#).

Próiseas Roghnaithe – le réachtáil ag an tSeirbhís um Cheapacháin Phoiblí

Céim 1

Beidh roinnt measúnuithe i gceist agus déanfar ar líne iad. Is féidir le hiarrthóirí na measúnuithe a dhéanamh am ar bith le linn na tréimhse tástála. Molaimid duit na measúnuithe a dhéanamh ar ríomhaire glúine nó ar ríomhaire pearsanta. Cuirfear ábhar eolais, lena n-áirítear cleachtaí samplacha, ar fáil duit sula ndéanann tú na measúnuithe. **Tá tuilleadh eolais ar fáil ar Leathanach 13 of sa leabhrán seo.**

Céim 2

Tabharfar cuireadh chuig an gcéad chéim eile do na hiarrthóirí sin a n-éiríonn leo ag Céim 1, in ord fiúntais. Beidh agallamh le déanamh ag Céim 2, a dhéanfar ó chian trí Zoom. Déanfar agallaimh gach mí agus gheobhaidh tú tuilleadh eolais faoin gcéim seo den phróiseas roimh d'agallamh. Tabharfar tuilleadh sonraí faoin gcéim seo d'iarrthóirí níos déanaí sa phróiseas, de réir mar is gá.

Tábhachtach: Sula gcuireann tú isteach ar an gcomórtas seo, **bí cinnte go gcomhlíonann tú na critéir cháilitheachta a leagtar amach ar Leathanachaí 5 agus 6.** Ní chuirfear d'iarratas ar aghaidh mura gcomhlíonann tú na critéir.

Ba chóir duit a thuiscint nach gceadaítear tatúnna agus ealaín cholainne ar an aghaidh, nó atá le feiceáil os cionn an choiléir. Chun íomhá ghairmiúil a choinneáil, ní mór gach tátú eile agus ealaín cholainne a chlúdach nuair atá an duine ar dualgas. Ní mór duit an Garda Síochána a chur ar an eolas faoi aon tatú feiceálach atá agat a luaithe is féidir toisc nach mbeidh tú in ann tús a chur leis an oiliúint dá mbarr.

Próiseas Roghnaithe– le réachtáil ag an nGarda Síochána

Má éiríonn leat ag Céim 2, agus má dheimhnítear go gcomhlíonann tú na critéir cháilitheachta, cuirfear d'ainm agus na sonraí teagmhála a chuir tú ar fáil i d'fhoirm iarratais ar aghaidh chuig an nGarda Síochána. Iarrfar ort tabhairt faoi TIF (Triail Inniúachta Fisiciúla) sa Teampall Mór, Co. Thiobraid Árann. Má iarrtar ort tabhairt faoi TFI, bí cinnte go ndéanann tú athbhreithniú ar an eolas faoi na trialacha agus faoin gcaoi ar féidir leat ullmhúchán a dhéanamh dóibh, atá ar fáil [anseo](#).

Ina theannta sin, beidh ort tabhairt faoi scrúdú leighis agus Tástáil Mhí-Úsáide Substaintí (Drugáí Rialaithe). Déanfar seiceálacha grinnfhiosrúcháin le linn na tréimhse seo. Tá sonraí faoin bpróiseas roghnaithe ar fáil [anseo](#).

Oiliúint

Is é an Clár Bunoiúna an clár oiliúna agus forbartha tosaigh do Ghardaí faoi Oiliúint nua-earcaithe agus do Ghardaí ar Promhadh sa Gharda Síochána. Díríonn Staid 1, Céim 1 ar bhunchlocha na póilíneachta agus mairfidh sé 36 seachtaine (nó tréimshe ama a shocróidh Coimisinéir an Gharda Síochána). Tá Céim 1 éigeantach agus tá oiliúint chónaithe i gceist, a dhéantar, de ghnáth, idir an Luan agus an Aoine i gColáiste an Gharda Síochána, an Teampall Mór, Co. Thiobraid Árann. Oiliúint riachtanach trí shocrúchán breathnaitheach atá i gceist i Staid 1, Céim 2, agus déantar é seo in áit gar don bhaile i Stáisiún Garda Oibríochta de ghnáth. Tá Staid 1, Céim 3 éigeantach agus tá oiliúint chónaithe i gceist, a dhéantar, de ghnáth, idir an Luan agus an Aoine i gColáiste an Gharda Síochána, an Teampall Mór, Co. Thiobraid Árann.

Tá tuilleadh eolais faoin gClár Bunoiúna ar fáil [anseo](#).

Réamhrá

Is é an Garda Síochána seirbhís náisiúnta póilíneacha na hÉireann a bhfuil sé mar mhisean aige “Daoine a Choinneáil Slán”.

Is gairm dhúshlánach í an ghairm mar bhall den Gharda Síochána ach is gairm iontach í chomh maith. Faoi stiúir Choimisinéir an Gharda Síochána, eisceacht is ea An Garda Síochána i gcomparáid le seirbhísí póilíneachta idirnáisiúnta mar chomhlacht aonadach atá freagrach as slándáil an Stáit *agus* as seirbhísí póilíneachta a chur ar fáil. Tá an dá fheidhm comhaontaithe tríd an bhfealsúnacht: cosaint an duine aonair agus sábháilteacht pobal.

Cuirtear deiseanna nua agus suimiúla ar fáil do bhaill den Gharda Síochána i gcónaí. Tá i bhfad níos mó ná an troid in aghaidh na coiriúlachta i gceist sa phóilíneacht nua-aimseartha. Tá sé fíorthábhachtach an imní faoin gcoiriúlacht a laghdú agus oibriú i gcomhar le pobail chun dea-thionchar a imirt ar shaoránaigh agus chun caighdeán beatha gach saoránaigh a fheabhsú.

Mar bhall den Gharda Síochána, bheifeá ag obair ar an líne thosaigh, ag tacú le híospartaigh agus le finnéithe, ag cur daoine ar a suaimhneas agus ag cothú muiníne. Bheifeá in ann cur go gníomhach le do réimse, ag tógáil caidreamh agus ag cothú muiníne sa phobal.

Éagsúlacht i Sochaí na hÉireann a Léiriú

Tá an Garda Síochána tiomanta don éagsúlacht i Sochaí na hÉireann, atá ag méadú, a léiriú san eagraíocht; ní hamháin maidir leis an inscne agus leis an eitneacht, ach maidir le claonadh gnéis, cúlra socheacnamaíochta, oideachais agus tíreolaíochta chomh maith.

Cuirimid fáilte roimh iarrthóirí a bhfuil cúlraí éagsúla acu.

Ní mór d'iarrthóirí cumas a bheith acu i gceann amháin de na teangacha thíos nó sa dá cheann acu:

- i) An Ghaeilge
- ii) An Béarla

Is féidir teacht ar na riachtanais cháilitheachta ar leathanach 5. Ní gá duit céim a bheith agat sula dtosaíonn tú sa Gharda Síochána mar Gharda faoi Oiliúint. Má tá tú sa bhliain dheireanach de chúrsa céime nuair a thairgtear áit i gColáiste An Gharda Síochána duit, áfach, is féidir linn a bheith solúbtha maidir leis an dáta tosaithe chun cuidiú leat do bhliain dheireanach a chríochnú.

Mholfaimis duit do mhachnamh a dhéanamh ar ghairm mar bhall den Gharda Síochána. Tá luach saothair maith le fáil sa phóilíneacht agus is féidir leat dea-thionchar a bheith agat ar shaol an duine aonair agus ar an bpobal gach lá. Molann An Garda Síochána do dhaoine ó aon chúlra teacht ag obair linn.

Mar Eagraíocht, táimid ag glacadh leis an tsochaí mórthimpeall orainn ina bhfuil éagsúlacht le brath agus déanfaimid machnamh ar athruithe i bpolasaí an Gharda Síochána i dtaca le héide chun riachtanais chreidimh agus eitneacha a chur san áireamh, ag brath ar riachtanais oibríochta, sláinte agus sábháilteachta.

Riachtanais Iontrála – Cáilitheacht

Maidir le cead isteach sa Gharda Síochána mar, rialaíonn [Rialacháin an Gharda Síochána \(Cead Isteach agus Ceapacháin\), 2013](#) de réir mar a leasaíodh faoi [Ionstraim Reachtúil an Gharda Síochána \(Cead Isteach agus Ceapacháin\) \(IR602/2020\)](#), [Rialacháin an Gharda Síochána \(Cead Isteach agus Ceapacháin\) \(Leasú\)\(Ionstraim Reachtúil 757/2021\)](#) agus faoi [S.I. No. 611/2023 - Garda Síochána \(Admissions and Appointments\) \(Amendment\) Regulations 2023](#) nó aon leasuithe ar na Rialacháin sin le linn thréimhse an fheachtais.

Tá achoimre ar na critéir cháilitheachta a mbeidh ar iarrthóirí a chomhlíonadh chun áit a fháil mar Gharda faoi Oiliúint agus chun dul san iomaíocht sa phróiseas roghnaithe iomaíoch a eagraíonn an tSeirbhís um Cheapacháin Phoiblí ar fáil thíos. Chun mionsonraí faoi na riachtanais iontrála agus cháilitheachta a fháil, áfach, ba chóir d'iarrthóirí breathnú ar na riachtanais sin de réir mar a leagtar amach iad sna Rialacháin thuasluaite.

Tabhair faoi deara gur faoin iarrthóir atá sé fianaise dhoiciméadach a chur ar fáil chun a léiriú go gcomhlíonann siad na riachtanais cháilitheachta le linn an phróisis agus chun an tSeirbhís um Cheapacháin Phoiblí agus An Garda Síochána a chur ar an eolas faoi aon athruithe a thagann chun cinn a mbeadh tionchar acu ar a cáilitheacht.

Chun a bheith cáilithe chun áit a fháil mar Gharda faoi Oiliúint, ní mór don iarrthóir na nithe seo a leanas a bheith acu:

- (i) dea-cháil a bheith orthu;
- (ii) teastas a fháil ó Liachleachtóir Leighis (a ainmníonn an Coimisinéir tar éis dóibh dul i gcomhar leis an Aire) a léiríonn go bhfuil dea-shláinte acu, go bhfuil siad folláin, agus go bhfuil cumas fisiceach agus meabhrach acu chun dualgais mar bhall den tseirbhís a chomhlíonadh
- (iii) pas a bhaint amach i dTriail Inniúlachta Fisiciúla;
- (iv) A bheith 18 mbliana d'aois, ach níos óige ná 50 bliain d'aois ag meánoíche ar an Déardaoin, 8 Feabhra 2024;
- (v) a bheith mar náisiúnach de Bhallstát den Aontas Eorpach **nó**

a bheith ina náisiúnach de Stát sa Limistéar Eorpach Eacnamaíoch, de Ríocht Aontaithe na Breataine Móire agus Thuaisceart na hÉireann nó de Chónaidhm na hEilvéise **nó**

Faoin Acht um Chosaint Idirnáisiúnta, 2015, agus de réir na Rialachán um Chead Isteach agus Cheapacháin, 2013, de réir mar a leasaíodh, a bheith mar

- (i) **theifeach** nó mar bhall teaghlaigh de chuid duine dona bhfuil dearbhú mar theifeach i bhfeidhm a bheidh i bhfeidhm do thréimhse iomlán an phróisis roghnaithe agus iontrálacha do Ghardaí faoi Oiliúint nó
- (ii) mar dhuine donar tugadh cosaint thánaisteach nó mar bhall teaghlaigh de chuid duine dona bhfuil dearbhú maidir le cosaint thánaisteach i bhfeidhm a bheidh i bhfeidhm do thréimhse iomlán an phróisis roghnaithe agus iontrálacha do Ghardaí faoi Oiliúint **nó**

a bheith ina c(h)ónaí sa Stát go leanúnach le thréimhse de bhliain amháin roimh dháta dúnta an chomórtais seo agus, a bheith ina c(h)ónaí sa Stát le ceithre bliana san iomlán sna hocht mbliana roimh an thréimhse sin;

(vi) Ní mór go mbeadh na nithe seo a leanas ag iarrthóirí roimh an dáta dúnta:

- (a) Grád D3 nó O6 a bheith bainte amach acu i gcúig ábhar, ar a laghad, ag an nGnáthleibhéal* i scrúdú Ardteistiméireachta na hÉireann, **nó**
- (b) mórdhámhachtain ag leibhéal 5 (**120 creidiúint**) ar Chreat Náisiúnta na gCáilíochtaí, **nó**
- (c) cáilíocht aitheanta (**ag Leibhéal 5 nó níos airde**), a aithnítear mar cháilíocht atá ar aon cheim leis na cáilíochta thuas i dtaca le leibhéal agus méid na foghlama de réir mar a shocraíonn Dearbhú Cáilíochta agus Cáilíochta Éireann (QQI)

AGUS

- (d) cumas a bheith acu i **gceachtar den dá theanga thíos nó sa dá cheann acu**:
 - i) an Ghaeilge
 - ii) an Béarla

Ní **ghlacfar le hábhair a tógadh ag an **mBonnleibhéal** i Scrúdú na hArdteistiméireachta mar cháilíocht ar aon chéim maidir le hiarratas a dhéanamh ar an gcomórtas seo. I gcásanna áirithe **is féidir** go nglacfaí le Pas san Ardteistiméireacht Fheidhmeach mar cháilíocht atá ar aon chéim leis an nGnáth-Ardteistiméireacht. Glactar leis go bhfuil grád H7 ar aon cheim le grád O6 chomh maith.*

Is féidir go ndeimhneoidh an tSeirbhís um Cheapacháin Phoiblí bailíocht na gcáilíochtaí nach cáilíochtaí Ardteistiméireachta iad le Dearbhú Cáilíochta agus Cáilíochtaí Éireann (QQI). Is féidir le hiarrthóirí comhairle a fháil ón [Ionad Faisnéise Náisiúnta um Aitheantas Acadúil](#) a thugann comhairle maidir le haitheantas do cháilíochtaí iasachta in Éirinn.

(vii) Ní mór do gach iarrthóir aon fhostaíocht a bhí acu roimhe seo a fhágáil sula dtógfar iad isteach i gColáiste an Gharda agus ní féidir leo a bheith ar shos gairme ó fhostaíocht dá leithéid sula dtéann siad isteach.

Riachtanais cháilitheachta a shocrú

Ba chóir duit a thabhairt faoi deara gur féidir nach ndeimhneofar cáilíochtaí/cáilitheacht na n-iarrthóirí go dtí na céimeanna deiridh den phróiseas roghnaithe/ceapacháin. Má théann iarrthóirí nach gcomhlíonann na riachtanais sin ar an dáta dúnta ar aghaidh lena n-iarratas, mar sin, ní bheidh siad cáilithe maidir le roghnú agus maidir le tairiscint phoist a fháil sa chomórtas seo.

Is féidir go ndéanfar cáilitheacht a mheas ag céimeanna éagsúla den phróiseas. Is féidir go dtógfar amach as an gcomórtas am ar bith aon iarrthóir nach bhfuil in ann a léiriú go bhfuil na cáilíochtaí riachtanacha acu nó nach bhfuil incháilithe. Ní hionann cuireadh chuig triail nó aon ghné den phróiseas roghnaithe/ceapacháin agus a rá go nglacann an tSeirbhís um Cheapacháin Phoiblí agus/nó An Garda Síochána leis go bhfuil an t-iarrthóir cáilithe.

Sraitheanna iarratais

Mar chuid den chomórtas earcaíochta seo beidh trí shraith iarratais i gceist, .i.:

- (i) Ginearálta (ar oscailt d'aon iarrthóir a chomhlíonann na critéir cháilitheachta a leagtar amach ar leathanach 5 agus ar leathanach 6 osa Leabhrán Eolais seo)
- (ii) Sraith d'iarrthóirí a bhfuil cumas sa Ghaeilge acu (Sraith d'iarrthóirí a bhfuil cumas sa Ghaeilge acu)
- (iii) Baill de Chúltaca an Gharda atá i dteideal.

Má tá siad i dteideal, is féidir le hiarrthóirí iarratas a dhéanamh ar shraith amháin nó níos mó ná sraith amháin. Is faoin iarrthóir féin atá sé an tsraith cheart/na sraitheanna cearta a roghnú.

Sraith d'iarrthóirí a bhfuil cumas sa Ghaeilge acu

(Sraith d'iarrthóirí a bhfuil cumas sa Ghaeilge acu)

Tá Coimisinéir An Gharda Síochána agus An Garda Síochána tiomanta go hiomlán dá ndualgais faoi Acht na dTeangacha Oifigiúla (Leasú), 2021, a chomhlíonadh. Tá áthas ar Choimisinéir an Gharda Síochána a fhógairt gur féidir le daoine a bhfuil cumas acu sa Ghaeilge agus a chomhlíonann na critéir cháilitheachta a leagadh amach a chur in iúl gur mhaith leo dul faoi mheas do shraith speisialtachta Ghaeilge ar an bhfoirm iarratais.

Beidh ar iarrthóirí a léiríonn spéis sa tsraith seo agus a fhaigheann cuireadh chuig na céimeanna deiridh den phróiseas roghnaithe agallamh atá bunaithe ar inniúlachtaí a dhéanamh trí mheán na Gaeilge sula gcuirfear faoi mheas iad do phost den chineál seo. Ní mór dóibh an leibhéal riachtanach a bhaint amach sa Ghaeilge san agallamh seo, .i. [A léiriúgo bhfuilLeibhéal B2 ar a laghad acu ar chreatféinmheasúintitheEuro pass](#). Ní mór d'iarrthóirí a cheaptar ón tsraith seo a bheith in ann réimse iomlán seirbhísí a sholáthar trí Ghaeilge. Má éiríonn leo, **cuirfear** iarrthóirí ag obair i gceantair Ghaeltachta ar feadh tréimhse, de réir mar a shocróidh Coimisinéir An Gharda Síochána.

Sraith do Bhaill de Chúltaca an Gharda atá ar seirbhís

Chun aitheantas a thabhairt don oiliúint atá déanta ag Gardaí Cúltaca i gcuid mhaith de na scileanna atá ag teastáil chun a gcuid dualgas a chomhlíonadh mar bhaill thábhachtacha den phóilíneacht phobail nó in aonaid rialta, tá sraith iarratais ar leith ar fáil do Gardaí Cúltaca reatha.

Chun a bheith cáilithe don tsraith seo, ní mór d'iarrthóirí na nithe seo a leanas a bheith acu:

- (i) an tréimhse phromhaidh comhlíonta acu
- (ii) a ndualgais comhlíonta acu ar chaighdeán sásúil
- (iii) 120 uair an chloig, ar a laghad, sa bhliain déanta acu in dhá bhliain as na ceithre bliana is déanaí a éilíonn siad agus,
- (iv) na Coinníollacha Iontrála a leagtar amach ar leathanach 5 agus ar leathanach 6 sa Leabhrán Eolais seo a chomhlíonadh

Ba chóir d'iarrthóirí atá i dteideal iarratas a dhéanamh mar is gnách agus a chur in iúl ar an bhfoirm gur mian leo iarratas a dhéanamh ar an tSraith do Bhaill de Chúltaca an Gharda Síochána atá ar seirbhís. Chun go gcuirfí thú faoi mheas don tsraith seo, ní mór duit na nithe seo a leanas a chur ar fáil agus d'iarratas á chomhlíonadh agat:

- 1) D'uimhir chlárúcháin i gCúltaca an Gharda Síochána
- 2) An Rannóg ina bhfuil tú ag obair faoi láthair

Ní mór d'iarrthóirí a bheith ag obair mar Gharda Cúltaca ag am an cheapacháin mar Gharda faoi Oiliúint chun a bheith i dteideal faoin tSraith do Bhaill de Chúltaca an Gharda Síochána. Ní thairgfear ceapachán ón tSraith seo d'iarrthóirí nach bhfuil ina mbaill de Chúltaca an Gharda Síochána a thuilleadh.

Ina theannta sin, beidh ort foirm dheimhnithe sa bhreis a chomhlíonadh ag am an cheapacháin.

An Próiseas Iarratais

Is gairm dhúshlán ar leith an phóilíneacht agus tá próiseas roghnaithe cuimsitheach i gceist.

Molaimid duit, mar sin, an uirlis fhéinmheasúnaithe a bhaineann le hachóimre ar an bpost (atá ar fáil in Aguisín A) a úsáid chun a chinntiú go n-oirfeadh an ghairm seo duit sula gcuireann tú iarratas isteach.

Is uirlis fhíorthábhachtach an ceistneoir agus tugann sé léargas réadúil ar an ról.

Ag cur isteach ar an ról:

- Bainisteoidh an tSeirbhís um Cheapacháin Phoiblí an próiseas iarratais agus na céimeanna roghnaithe tosaigh sa chomórtas ar son Choimisinéir an Gharda.
- Ní mór iarratas a dheanamh ar líne trí www.publicjobs.ie.
- Sula ndéantar iarratas, ní mór d'iarrthóirí "Cuntas Úsáideora" a bheith acu ar www.publicjobs.ie. Mura bhuil sé déanta agat cheana, ní mór duit cliceáil ar "**Logáil Isteach**" ar leathanach baile Publicjobs agus clárú mar '**Úsáideoir Nua**' chun do phróifíl a chruthú (cláraigh Cuntas Nua)
- Mura gcuimhníonn tú sonraí do phróifíle, **ná cruthaigh** an dara próifíl, d'fhéadfadh seo d'iarratas a chur ar ceal.
- Bí ar d'aire nach ionann clárú (Próifíl a chruthú) agus iarratas a chur isteach. Nuair atá Próifíl cruthaithe agat, ní mór duit **teacht ar an bhfoirm iarratais** (cliceáil ar an gcnaipe "Cuir Iarratas Isteach" chun teacht ar an bhfoirm iarratais atá ar fáil ag bun an leathanaigh ar a bhfógraítear an post), **a chomhlíonadh agus a chur isteach**. Ní ghlacfar ach le hiarratais chomhlíonta, a chuirtear isteach roimh an dáta dúnta. Ní féidir le duine ach iarratas amháin a dhéanamh.

Ceistanna maidir le hAinmneacha Úsáideora / Pasfhocail

An bhfuil dearmad déanta agat ar d'ainm úsáideora nó ar do phasfhocal?

Má tá, cliceáil ar an nasc seo

<https://www.publicjobs.ie/candidateportal/home/forgottenDetails.do>

Conas dul i dteagmháil leis an tSeirbhís um Cheapacháin Phoiblí?

Má tá deacracht agat fós le hAinm Úsáideora nó le Pasfhocal, seol ríomhphost chuig an tSeirbhís um Cheapacháin Phoiblí ag GardaTrainee2024@publicjobs.ie ag míniú do dheacrachtaí agus tabhair d'ainm agus do shonraí teagmhála, uimhir ghutháin san áireamh, chun gur féidir teagmháil a dhéanamh leat.

Ba chóir d'iarrthóirí a bheith ar an eolas nach mbeidh tacaíocht ar fáil ach le linn uaireanta oifige go dtí an dáta dúnta.

- Ní mór d'iarrthóirí a seoladh ríomhphoist bailí **féin** a úsáid. **Ní ghlacfar** le seoltaí ríomhphoist ó thríú páirtithe agus is féidir go gcuirfidh siad d'iarratas ar ceal. Ní thabharfaidh an tSCP eolas faoi iarratais ach don iarrthóir amháin agus ní thabharfaidh siad eolas do thríú páirtí.
- Tá sé tábhachtach go gcoinníonn tú d'ainm úsáideora agus do phasfhocal mar go mbeidh siad ag teastáil uait chun teacht ar do chlár teachtaireachtaí ar Publicjobs.
- Má athraíonn tú do sheoladh ríomhphoist nó d'uimhir ghutháin le linn an chomórtais earcaíochta seo, ba chóir duit logáil isteach i do chuntas Publicjobs agus do phróifíl a cheartú chomh luath agus is féidir. Má tá sé riachtanach fógra a chur chugat i ríomhphost/dtéacs, cuirfear é chuig an seoladh ríomhphoist / uimhir ghutháin ar do phróifíl.
- Is ar líne a dhéanfar teagmháil le hiarrthóirí le linn an phróisis iarratais den chuid is mó. Seolfaidh an tSCP an chuid is mó den chomhfhreagras chugat trí do chlár teachtaireachtaí publicjobs. Moltar duit féachaint ar do chlár teachtaireachtaí go rialta mar is féidir go n-aistreofaí fógraí ríomhphoist faoi shonraí nua/ thástálacha/ agallaimh srl. a chuirtear chuig do chlár teachtaireachtaí chuig do chomhad ríomhphoist do Dhramhaíl/Thurscar (nó 'Promotions' maidir le Gmail). Moltar duit freisin féachaint ar na comhaid seo ar fad go minic.
- Má thugtar cuireadh dóibh chuig tástálacha / nó agallamh, is faoin iarrthóir féin atá sé a bheith ar fáil ar an dáta(i) a shonraíonn an tSCP. Mura mbíonn tú i láthair ar an dáta/ag an am a thugtar duit, glacfar leis gur tharraing tú siar as an gcomórtas, ach amháin má mhínigh tú don tSeirbhís um Cheapacháin Phoiblí cén fáth nach féidir leat a bheith i láthair agus má tá dáta/am difriúil á lorg agat. Is féidir go n-iarrfar ar iarrthóirí fianaise dhoiciméadach a chur ar fáil sula socraítear dáta/am difriúil.
- Ní bheidh an tSeirbhís um Cheapacháin Phoiblí freagrach as cumarsáid nár oscail an t-iarrthóir. Ní mór d'iarrthóirí a chinntiú go mbreathnaíonn siad go rialta ar a gclár teachtaireachtaí agus go bhfaigheann siad gach cumarsáid a chuireann an tSeirbhís um Cheapacháin Phoiblí chucu.
- Chomh luath agus a chuireann tú d'fhoirm iarratais isteach, **moltar duit filleadh** ar do chuntas Publicjobs agus a chinntiú go bhfuil sé curtha isteach trí 'M'iarratais'. Ag an bpointe seo, ba chóir duit www.publicjobs.ie a chur le do liosta de dhaoine nó de theagmhálaithe sábháilte i do chuntas ríomhphoist chun nach gcuirfear cosc ar ríomhphost ó publicjobs.ie
- Má ligtear do dhuine iarratas a dhéanamh ar an gcomórtas seo, nó má thugtar cuireadh do dhuine chuig aon ghné den phróiseas roghnaithe, ní hionann sin agus a rá go nglacann an tSeirbhís um Cheapacháin Seirbhíse Poiblí leis go gcomhlíonann an duine sin na riachtanais ar fad.

Iarrthóirí faoi Mhíchumas

Tá an tSeirbhís um Cheapacháin Phoiblí agus An Garda Síochána tiomanta do dheiseanna cothroma do gach iarrthóir. Tá ról tábhachtach ag an tSeirbhís um Cheapacháin Phoiblí maidir le hiarrthóirí ó gach carn den tsochaí a mhealladh agus maidir lena chinntiú go bhfuil rochtain ag gach duine a bhfuil suim acu i ndeiseanna gairme ar na deiseanna sin. Táimid tiomanta do pholasaí comhdheiseanna do gach iarrthóir.

Má tá tú faoi mhíchumas nó má tá socruithe réasúnta ag teastáil uait le linn an phróisis roghnaithe, molaimid go láidir duit é sin a chur in iúl dúinn chun gur féidir linn a chinntiú go bhfaigheann tú an tacaíocht atá de dhíth ort.

Is éard atá i gceist le cóiríocht réasúnta inár bpróiseas roghnaithe ná socruithe agus athruithe praiticiúla a dhéantar chun a chinntiú go bhfuil an deis chéanna ag iarrthóir faoi mhíchumas agus atá ag gach iarrthóir eile. Maidir leis na socruithe a chuirimid ar fáil, tá na socruithe seo a leanas i gceist: teicneolaíocht chúnta, am sa bhreis, scríobhaithe agus/nó léitheoirí agus réimse de shocruithe eile.

Má tá tú faoi mhíchumas nó má tá socruithe ag teastáil uait, bí cinnte nach mbeidh tionchar aige sin ar do dhul chun cinn sa phróiseas roghnaithe; ní bheidh tú faoi mhíbhuntáiste má thugann tú eolas dúinn faoin mhíchumas atá ort nó faoi na socruithe atá de dhíth ort. Ní bhaintear úsáid as aon eolas a nochtann tú ach chun a shocrú an féidir socruithe réasúnta a chur i bhfeidhm chun cabhrú leat dul ar aghaidh sa chomórtas. Coinneoidimid eolas faoin mhíchumas atá ort/faoi na socruithe atá de dhíth ort faoi rún daingean.

Má éiríonn leat, ní sheolfaimid eolas a thugann tú dúinn faoin mhíchumas atá ort ag an gcéim seo den phróiseas ar aghaidh chuig an roinn fostaíochta, ach amháin má iarrann tú orainn seo a dhéanamh.

Má chuir tú in iúl ar d'fhoirm iarratais/phróifíl go bhfuil cóiríocht réasúnta ag teastáil uait, cuir tuairisc ó shíceolaí/tuairisc leighis ar aghaidh chuig asu@publicjobs.ie.

Is é is cúis leis an tuairisc eolas a thabhairt don tSeirbhís um Cheapacháin Phoiblí chun gur féidir cóiríocht réasúnta a chur ar fáil más cuí. Maidir leis an eolas sna tuairiscí sin atá cabhrach dúinn, tá an t-eolas seo a leanas san áireamh: torthaí aon tástálacha diagnóiseacha a rinne do shíceolaí/dhochtúir, agus achoimre ón síceolaí/dochtúir ar mholtaí maidir le do riachtanais. Is féidir leat codanna de thuairiscí leighis/thuairiscí ó shíceolaí a cheilt (a bhaint amach) má cheapann tú go bhfuil siad íogair nó nach bhfuil gá leo.

Ní mór tuairiscí seo a chur ar aghaidh chuig aonad na Seirbhísí Measúnaithe roimh am dúnta gnó ar an **Déardaoin, 8 Feabhra 2024**. Ní mór duit cóip scanta den tuairisc a sheoladh, trí mheán an ríomhphoist, chuig asu@publicjobs.ie

Má rinne tú iarratas ar chomórtas cheana leis an tSeirbhís um Cheapacháin Phoiblí agus má chuir tú tuairisc isteach, seol ríomhphost chuig asu@publicjobs.ie chun a dheimhniú go bhfuil do thuairisc fós ar taifead.

Más mian leat plé a dhéanamh ar d'iarrthóireacht agus ar shocruithe réasúnta ar féidir leo cabhrú leat le linn an phróisis earcaíochta, téigh i dteagmháil lenár dTacadóir Míchumais, Amanda Kavanagh, ag amanda.kavanagh@publicjobs.ie. Chun tuilleadh eolais a fháil maidir le hinrochtaineacht ár seirbhíse, féach ar an leathanach ar a bhfuil eolas faoin [Inrochtaineacht](#).

Maidir le hiarratais ar chóiríocht réasúnta ó iarrthóirí a n-éiríonn leo sa phróiseas roghnaithe, ní mór don iarrthóir iad sin a chur ar aghaidh i scríbhinn chuig Oifig na gCeapachán, Ceannteathrú An Gharda Síochána, Páirc an Fhionnuisce, Baile Átha Cliath 8 nó trí mheán an ríomhphoist chuig Appointments@Garda.ie. Ní mór tuairiscí leighis agus síceolaíochta ábhartha a chur isteach mar thacaíocht le hiarratais dá leithéid. Is é is cúis leis an tuairisc eolas a thabhairt don Gharda Síochána chun gur féidir cóiríocht réasúnta a chur ar fáil más cuí.

Dáta Dúnta

Is é seo a leanas an dáta deiridh ar a nglacfar le hiarratais chomhlíonta: **3i.n. ar an Déardaoin 8 Feabhra 2024**. Is fútsa atá sé a chinntiú go gcomhlíonann tú agus go gcuireann tú an t-iarratas isteach i gceart mar gheall **nach nglacfar le haon iarratas maidir leis an iarratas a chur isteach i ndiaidh an dáta dúnta**.

Mura bhfaigheann tú admháil faoi d'iarratas taobh istigh de dhá lá oibre ó lá d'iarratais, **cliceáil ar d'fhillteán do Dhramhaíl/Thurscar' mar gur féidir fógraí i ríomhphost dul isteach i bhfillteáin do Dhramhaíl/ Thurscar (nó 'Promotions' i gcás Gmail)**. Sa chás nach bhfaigheann tú admháil go fóill, seol ríomhphost chuig GardaTrainee2024@publicjobs.ie agus cuir isteach d'ainm, d'UA iarrthóra agus do shonraí teagmhála.. Ba chóir d'iarrthóirí a bheith ar an eolas go mbeidh tacaíocht ar fáil le linn uaireanta oifige go dtí an dáta dúnta.

An Próiseas Roghnaithe

Réamhrá

Cuireann líon mór iarrthóirí isteach ar an gcomórtas do Ghardaí faoi Oiliúint. Dá bharr sin, tá an próiseas roghnaithe do Ghardaí faoi Oiliúint an-chuimsitheach, agus bíonn ar iarrthóirí trialacha measúnaithe agus cleachtaí éagsúla a dhéanamh trí chéimeanna éagsúla. Deartar na trialacha agus na cleachtaí chun iarrthóirí a bheadh oiriúnach do ról an Gharda faoi Oiliúint, agus a bheadh oiriúnach mar bhall deimhnithe, a aimsiú. Dá bhrí sin, ní rachaidh ach na hiarrthóirí a bhaineann na torthaí is fearr amach ag gach céim ar aghaidh chuig an gcéad chéim eile den chomórtas. Socrófar an líon daoine a fhaigheann cuireadh chuig gach céim den roghnú ó am go ham agus cuirfear an líon folúntas atá le líonadh i gColáiste an Gharda Síochána san áireamh.

Reáchtálfaidh an tSeirbhís um Cheapacháin Phoiblí na céimeanna roghnaithe tosaigh ar son Choimisinéir an Gharda Síochána. Cuirfear ainmneacha agus sonraí na n-iarrthóirí a n-éiríonn leo agus a chuirtear sna háiteanna is airde san ord fiúntais tar éis na gcéimeanna roghnaithe a rinne an tSeirbhís um Cheapacháin Phoiblí ar aghaidh chuig an nGarda Síochána chun go bpléifear a thuilleadh leo.

Ní bheidh An Garda Síochána nó an tSeirbhís um Cheapacháin Phoiblí freagrach as aon chostas a chuireann iarrthóirí orthu féin i dtaca leis an bpróiseas earcaíochta a íoc ar ais.

Ceistneoir Féinmheasúnaithe bunaithe ar Achoimre ar an bPost

Mar a luadh cheana, tá Ceistneoir réalaíoch bunaithe ar Achoimre ar an bPost san áireamh sa leabhrán seo (féach ar Aguisín A) agus ba chóir duit é a léamh sula ndéanann tú iarratas. Ní cuid den phróiseas iarratais é ach is duit féin é chun cabhrú leat a shocrú an bhfuil gairm sa Garda Síochána oiriúnach duit. Tá sé tábhachtach go gcomhlíonann tú an ceistneoir mar go bhfuil ceisteanna tábhachtacha ann a thugann léargas ar an ról seo.

Modhanna Roghnaithe

Beidh ar iarrthóirí roinnt trialacha a dhéanamh chun a gcumas le bheith mar Gharda faoi Oiliúint a léiriú. Tabharfar níos mó eolais faoi na modhanna roghnaithe agus na dátaí cinnte d'iarrthóirí de réir mar a théann an próiseas ar aghaidh.


Beidh roinnt gnéithe i gceist sa phróiseas roghnaithe don chomórtas seo. Is féidir go mbeidh ceann amháin nó níos mó de na nithe seo a leanas i gceist:

- Trialacha agus Cleachtaí m.sh. trialacha teanga, réasúnaíochta agus inniúlachta.
- Agallamh Físe ar Líne (m.sh. ar Zoom)
- Aon triail /chleachtadh eile a cheaptar atá cuí

Is féidir go mbeadh orainn athbhreithniú a dhéanamh ar na modhanna measúnaithe as a mbainfear úsáid le linn thréimhse an chomórtais seo. Moltar do gach iarrthóir, mar sin, scrúdú cúramach a dhéanamh ar aon chomhfheagras nó ar aon ábhar eolais a fhaigheann siad ar a gclár teachtaireachtaí Publicjobs roimh thús gach céime.

Amlíne don Phróiseas Roghnaithe do Ghardaí faoi Oiliúint

Léiríonn an chart thíos an próiseas iarratais a bheidh le comhlíonadh ag iarrthóirí má dhéanann siad iarratas ar aon cheann de na sraitheanna.



Nóta

Reáchtálfaidh an tSeirbhís um Cheapacháin Phoiblí céimeanna 1 agus 2 den phróiseas roghnaithe agus reáchtálfaidh An Garda Síochána Céim 3. Rachaidh iarrthóirí cáilithe a chomhlíonann na riachtanais cháilitheachta i ndiaidh an Agallaimh ar aghaidh chun dul faoi mheas do cheapacháin sa Garda Síochána.

De réir mar a théann iarrthóirí ar aghaidh trí chéimeanna/ghnéithe éagsúla an phróisis roghnaithe agus cheapacháin, ní mór d'iarrthóirí a bheith ar fáil ar dháta ar bith a thugtar dóibh mar gur féidir nach mbeifear in ann am eile a thabhairt.

Tuigtear gur féidir go gcuirfear iarrthóirí an n-éiríonn leo san fheachtas seo faoi mheas le dul isteach i gColáiste an Gharda le linn 2024 agus 2025.

Céim 1 den Próiseas Roghnaithe

Trialacha Measúnaithe

Déanfar Céim 1 ar líne agus beidh feitheoireacht ó chian trí cheamara gréasáin i bhfeidhm. Beidh na trialacha ar fáil i roinnt teangacha éagsúla. Is féidir leat na trialacha measúnaithe tosaigh ar líne a dhéanamh i do rogha ionad in áit ina bhfuil ríomhaire ar fáil ar a bhfuil ceamara gréasáin agus ceangal idirlín maith. Tabharfar cuireadh do gach iarrthóir a n-éiríonn leo iarratas a chur isteach ar an gcomórtas seo Céim 1 a chomhlíonadh. Rangaítear iarrthóirí de réir a marcanna sna measúnuithe. Tabharfar cuireadh dóibh siúd a bhaineann na háiteanna is airde amach san ord fiúntais tabhairt faoin gcéad chéim eile den phróiseas roghnaithe.

Tabharfar eolas cuimsitheach faoi gach céim roghnaithe d'iarrthóirí a fhaigheann cuireadh chuig an gcéim sin den phróiseas ag an am cuí.

Céimeanna Eile den Phróiseas Roghnaithe

Tabharfar eolas níos cuimsithí faoi Chéim 2 agus Chéim 3 d'iarrthóirí cuí de réir mar a théann siad ar aghaidh sa phróiseas trína gclár teachtaireachtaí ar publicjobs.ie.

Áit le Trialacha ar Líne a Dhéanamh

Ba chóir duit a bheith ar an eolas agus tú ag déanamh na dtrialacha seo ar ghréasáin TF slán m.sh. gréasán i d'áit oibre nó i gcoláiste gur féidir go bhfuil balla dóiteáin nó teicneolaíocht chosanta eile i bhfeidhm a d'fhéadfadh deacrachtaí teicniúla a chruthú. Ba chóir duit smaoineamh ar na trialacha a dhéanamh sa bhaile nó in áit eile nach bhfuil na srianta céanna ar an idirlíon. Is fútsa atá sé a chinntiú go bhfuil rochtain iomlán agat ar an idirlíon chun na trialacha a chomhlíonadh. Ba chóir d'iarrthóirí a chinntiú gur féidir leo na trialacha a chomhlíonadh in áit chiúin inar féidir leat díriú ar an obair agus gan aon rud ag cur isteach orthu le linn na dtrialacha.

Nasc chuig Céim 1 - Measúnuithe

I ndiaidh an dáta dúnta agus sula dtosaíonn Céim 1, seolfar nasc chuig an Leabhrán Eolais Réamhthrialach chuig do chlár teachtaireachtaí.

Seolfar nasc chuig an triail ar líne trí ríomhphost chuig cláir teachtaireachtaí na n-iarrthóirí roimh an am atá ar fáil don triail Tá sé beartaithe go gcuirfear an nasc seo ar aghaidh le linn mhí Feabhra/mhí an Mhárta 2024. Tríd an nasc seo, beidh tú in ann teacht ar gach triail.

Tú féin a ullmhú don phróiseas roghnaithe

Cuirfear eolas ar fáil roimh gach céim den mheasúnú. Bí ar an eolas nach bhfuil aon ullmhúchán ar leith i gceist do na trialacha measúnaithe agus nach bhfuil iarpháipéir scrúdaithe ar fáil.

Cúrsaí Ullmhúcháin

Is mian le Coimisinéir an Gharda Síochána a rá nach bhfuil aon fheidhm nó aon bhaint ag an tSeirbhís um Cheapacháin Phoiblí nó ag an nGarda Síochána le cúrsaí ullmhúcháin a bhaineann leis an bpróiseas roghnaithe do ról an Gharda faoi Oiliúint a sholáthar nó a mholadh.

An Próiseas Ceapacháin

Déanfaidh an Garda Síochána iarrthóirí a n-éiríonn leo sa phróiseas roghnaithe a mheas do cheapachán, in ord fiúntais bunaithe ar a marcanna agallaimh.

Nuair a n-éiríonn leis an iarrthóir seo an chéim seo a bhaint amach, beidh an Garda Síochána i dteagmháil leo chun socruithe a dhéanamh maidir leis na measúnuithe seo a leanas a chomhlíonadh:

- Triail Inniúlachta Fisiciúla
- Tástáil Mhí-Úsáide Substaintí (Drugáí Rialaithe)
- Scrúdú Leighis
- Grinnfhiosrúchán

Ní mór d'iarrthóirí a bheith oiriúnach maidir leis na forais thuas chun áit a fháil sa chéad chéim eile den phróiseas roghnaithe, Clár Bunoiliúna an Gharda Síochána i gColáiste na nGardaí sa Teampall Mór. Má éiríonn leat ag aon chéim den phróiseas roghnaithe, tabhair faoi deara nach ionann seo agus a rá gur glacadh leat mar Gharda faoi Oiliúint. **Tá sonraí faoin bpróiseas roghnaithe ar fáil [anseo](#).**

Seolfaidh an Garda Síochána tuilleadh eolais faoi gach céim den phróiseas Ceapachán atá le reáchtáil ag an nGarda Síochána ar aghaidh chuig gach iarrthóir a fhaigheann cuireadh chuig Céim 3 den phróiseas roghnaithe.

Modhanna Athbhreithnithe

Cód Cleachtais

Reáchtáldaidh an tSeirbhís um Cheapacháin Phoiblí an próiseas roghnaithe don chomórtas do Ghardaí faoi Oiliúint de réir Chód Cleachtais an Choimisiúin um Cheapacháin Seirbhíse Poiblí (Coimisiún) do Cheapachán sa Státseirbhís agus sa tSeirbhís Phoiblí.

Sonraíonn an Cód Cleachtais na céimeanna chun déileáil le hiarratais ó iarrthóirí maidir le hathbhreithniú agus maidir le gearáin ó iarrthóirí maidir leis an bpróiseas roghnaithe. Ba chóir ceistanna faoi Chéim 1 agus 2 den phróiseas a chur ar aghaidh chuig Príomhoifigeach Feidhmiúcháin an na Seirbhíse um Cheapacháin Phoiblí. Ba chóir ceistanna faoin bpróiseas ceapachán a chur ar aghaidh chuig Coimisinéir an Gharda.

Léirítear na prionsabail seo a leanas sna cóid chleachtais:

- Ionracas
- Fiúntas
- Dea-chleachtas
- Leanúnachas
- Trédhearcacht
- Ceapacháin a chuireann Cothromaíocht, Éagsúlacht agus Cuimsiú chun cinn

Níl aon dualgas ar an tSeirbhís um Cheapacháin Phoiblí nó ar an nGarda Síochána an próiseas roghnaithe nó ceapacháin a stad a fhad is atá siad ag plé le hathbhreithniú. Bí ar an eolas i gcás gur tharla athbhreithniú ar phróiseas earcaíochta agus roghnaithe faoi Alt 7 den Chód Cleachtais, ní féidir leis an ngearánaí athbhreithniú eile a lorg faoi Alt 8 seachas i gcásanna fíor-eisceachtúla ar fad a shocróidh an Coimisiún ar a dtóil.

Tá na Cóid Chleachtais ar fáil ar shuíomh gréasáin an Choimisiúin um Cheapacháin Seirbhíse Poiblí, www.cpsa.ie.

Nósanna Athbhreithnithe

Alt 7

Is féidir le hiarrthóir athbhreithniú a lorg má tá siad míshásta le cinneadh nó gníomh a rinne an tSeirbhís um Cheapacháin Phoiblí nó an Garda Síochána. Tabharfaidh an ceapaí aird ar iarratais ar athbhreithniú de réir na bhforalacha in Alt 7 den Chód Cleachtais. Nuair a dhéantar iarratas ar athbhreithniú, ní mór don iarrthóir na fíricí a léiríonn, dar leo, go raibh an gníomh nó cinneadh a rinneadh mícheart a chur i láthair. Is féidir go ndiúltófar d'iarratas ar athbhreithniú murar féidir leis an iarrthóir fíricí a chur i láthair maidir lena gcás.

Molann an Coimisiún, má tá an t-iarrthóir sásta, sa chás go gceapann an duine sa phost gur féidir an cheist a réiteach gur chóir tabhairt faoi ar bhonn neamhfhoirmiúil, sula dtugtar faoi trí athbhreithniú foirmiúil.

Nós imeachta d'Athbhreithniú Neamhfhoirmiúil

- Ní mór iarratas ar Athbhreithniú Neamhfhoirmiúil a dhéanamh taobh istigh de 5 lá oibre ó fuarthas toradh an chinnidh, agus de ghnáth ba chóir go dtarlódh sé idir an iarrthóir agus ionadaí de chuid na Seirbhíse um Cheapacháin Phoiblí a raibh baint mhór acu leis an bpróiseas roghnaithe.
- Sa chás go bhfuil an t-iarrthóir míshásta fós tar éis díospóireacht neamhfhoirmiúil dá leithéid a bheith acu, is féidir leo iarratas ar athbhreithniú foirmiúil a lorg mar seo thíos.
- Más mian leis an iarrthóir go bpléifí leis an gceist trí athbhreithniú foirmiúil, ní mór dóibh é sin a dhéanamh laistigh de 5 lá oibre ón dáta ar fógraíodh toradh an athbhreithnithe neamhfhoirmiúil.

Nós imeachta d'Athbhreithniú Foirmiúil ar Phróiseas Roghnaithe

- Ní mór don iarrthóir a g(h)earán maidir leis an bpróiseas a chur i scríbhinn chuig Príomhoifigeach Feidhmiúcháin na Seirbhíse um Cheapacháin Phoiblí nó Coimisinéir an Gharda, de réir mar is cuí, ag léiriú na bhfíricí a thaispeánann go raibh gníomh nó cinneadh mícheart.
- Ní mór gearán nó iarratas ar athbhreithniú a dhéanamh laistigh de 5 lá oibre tar éis fhógra an chéad chinnidh.
- Ní féidir síneadh ar na teorainneacha ama seo a cheadú ach amháin i gcás imthosca atá neamhchoitianta ar fad agus
- Ní foláir an toradh a chur in iúl don iarrthóir laistigh de 25 lá oibre tar éis dúinn an gearán nó an t-iarratas ar athbhreithniú a fháil.

Alt 8 - Gearáin

Má cheapann iarrthóir gur bhris an ceadúnaí cuí (an Príomhoifigeach Feidhmiúcháin, An tSeirbhís um Cheapacháin Phoiblí nó Coimisinéir an Gharda) an Cód Cleachtais a chuir isteach d'ionracas an chinnidh a rinneadh sa phróiseas roghnaithe nó ceapacháin, is féidir leo iarratas a dhéanamh ar fhiosrúchán faoi Alt 8 den Chód. Tríd an bpróiseas gearáin is féidir le hiarrthóir(i) (nó daoine a d'fhéadfadh a bheith ina n-iarrthóirí) gearán a dhéanamh ar dtús chuig an gceadúnaí agus chuig an gCoimisiún ina dhiaidh sin ar achomharc sa chás go bhfuil siad míshásta fós.

Ní mór don ghearánaí na fíricí a léiríonn, dar leo, go raibh an próiseas mícheart a chur i láthair. Ní mór don ghearánaí an ghné den Chód a sáraíodh, dar leo, a shainaithint agus aon doiciméad ábhartha a chabhródh lena líomhain a chur leis. Is féidir go gcaithfear amach gearán murar féidir leis an ghearánaí tacaíocht a thabhairt dá líomhaintí trí thaispeáint conas nár chomhlíon an tSeirbhís um Cheapacháin Phoiblí nó An Garda Síochána prionsabail an Chóid seo.

- Ní mór iarratas ar Ghearán Neamhfhoirmiúil a dhéanamh taobh istigh de 5 lá oibre ó fuarthas toradh an chinnidh, agus de ghnáth ba chóir go dtarlódh sé idir an t-iarrthóir agus ionadaí de chuid na Seirbhíse um Cheapacháin Phoiblí a raibh baint mhór acu leis an bpróiseas roghnaithe.
- Sa chás go bhfuil an t-iarrthóir míshásta fós tar éis díospóireacht neamhfhoirmiúil dá leithéid a bheith acu, is féidir leo iarratas ar athbhreithniú foirmiúil a lorg mar seo thíos.
- Más mian leis an iarrthóir go bpléifí leis an gceist trí athbhreithniú foirmiúil, ní mór dóibh é sin a chur in iúl laistigh de 5 lá oibre ón dáta ar fógraíodh an cinneadh nó laistigh de 5 lá oibre ó cuireadh toradh an ghearáin neamhfhoirmiúil in iúl.

Iarratais ar Aiseolas/Thrialacha a Athsheiceáil

Tá aiseolas maidir leis an bpróiseas roghnaithe ar fáil má lorgaítear é i scríbhinn. Níl aon tréimhse ama ar leith i gceist maidir le haiseolas a fháil maidir le hathscrúdú.

Tabhair faoi deara gur próiseas éagsúil an Próiseas Athbhreithnithe mar atá leagtha amach sa Chód Cleachtais agus go bhfuil tréimhse ama ar leith ar gá cloí léi i gceist. Níl sé riachtanach aiseolas a fháil chun athbhreithniú a lorg. Ní gá d'iarrthóir cás mionsonraithe a chur le chéile sula gcuirtear tús le hachomharc. Ní féidir síneadh a chur leis an tréimhse ama atá leagtha amach i gCód an CCSP ar chúis ar bith, lena n-áirítear aiseolas agus/nó torthaí athscrúduithe.

Dualgais na nIarrthóirí:

Ní mór d'iarrthóirí

- an t-eolas agus an cumas a bheith acu chun dualgais an phoist atá i gceist a chomhlíonadh;
- dea-cháil a bheith orthu atá oiriúnach don phost;
- a bheith oiriúnach ar gach slí eile do cheapachán sa phost atá i gceist;

Agus, má éiríonn leo, ní cheapfar iad ach mar seo:

- go n-aontaíonn siad dualgais an phoist a chomhlíonadh agus glacann siad leis na coinníollacha a bhaineann le, nó a d'fhéadfadh a bheith bainteach le, dualgais an phoist a chomhlíonadh;
- go bhfuil siad iomlán inniúil agus go dtuigeann siad go hiomlán dualgais agus go bhfuil siad ar fáil chun iad a chomhlíonadh.

Níl cead ag iarrthóirí:

- eolas bréagach a thabhairt go feasach nó go meargánta
- duine ar bith a chanbhasáil, le haslú nó gan aslú
- cur isteach ar an bpróiseas ar aon bhealach nó cur as dó

Níl cead ag tríú páirtí iarrthóir a phearsanú ag aon staid den phróiseas.

Má dhéanann iarrthóir ar bith iarracht go díreach nó go hindíreach tionchar a imirt trí chanbhasáil i dtaca lena (h)iarratas, dícháileofar iad ón gcomórtas.

Duine ar bith a sháraíonn na forálacha thuas, nó a chuideoidh le duine éigin eile na forálacha thuas a shárú, tá siad ciontach i gcion. D'fhéadfaí fineáil nó príosúnacht, nó iad araon, a chur ar dhuine atá ciontach i gcion.

Ina theannta sin, sa chás gur iarrthóir i bpróiseas earcaíochta a bhí nó atá sa duine a fuarthas ciontach i gcion:

- sa chás nach bhfuil an duine ceaptha i bpost, dícháileofar iad mar iarrthóir; agus
- sa chás gur ceapadh an duine de thoradh an phróisis earcaíochta atá i gceist, forghéillfidh siad an ceapachán sin.

Rúndacht maidir le hEolas agus hÁbhair

Ní mór a chuimhneamh go bhfuil próiseas iomaíoch i gceist don phost agus go bhfuil an t-ionracas fóorthábhachtach. Is féidir go ndícháileofar duine ón gcomórtas má roinneann siad ábhar scrúdaithe le duine eile m.sh. trí na meáin shóisialta nó ar shlí ar bith eile.

Tabhair faoi deara, le do thoil, go bhfuil gach triail agus ábhar trialach faoi réir ag cóipcheart agus go bhfuil cosaint ar gach ceart. Ní féidir aon chuid den ábhar measúnaithe (aon téacs san áireamh agus nó roghanna a d'fhéadfadh a bheith ann do fhreagraí) nó ábhar bainteach, lena n-áirítear ábhar cleachtaidh agus/nó taithíochta a atáirgeadh nó a chraoladh i bhfoirm ar bith nó trí mhodh ar bith lena n-áirítear modh leictreonach nó meicniúil, fótachóipeáil, priontáil, taifeadadh, scríofa nó eile, ag staid ar bith. Is coir é a dhéanamh agus is féidir go bhfágfaí as an phróiseas roghnaithe thú dá bharr. Má bhriseann duine ar bith an fhoráil seo, nó má chuidíonn siad le duine/daoine eile an fhoráil seo a bhriseadh, is féidir go gcuirfear an dlí agus/nó agra sibhialta ar an duine sin as caillteanas cóipchirt nó maoine intleachtúla.

Fearas Taifeadta a Úsáid

Ní cheadaíonn an tSeirbhís um Cheapacháin Phoiblí aon fhearas taifeadta a úsáid ina foirgneamh nó in áit ar bith ina mbíonn measúnú/trialacha/agallaimh srl ar siúl, m.sh. agallaimh físe, teileachomhdháil. Baineann sin le taifeadadh fuaime ar bith nó pictiúr socair nó taifeadadh físe de chineál ar bith, is cuma má tá taifeadadh fuaime i gceist nó nach bhfuil, agus tá gach cineál feiste a úsáidtear don chuspóir sin i gceist.

Ní mór do dhuine ar bith ar mhian leo fearas dá leithéid a úsáid do cheann ar bith de na cúiseanna seo cead i scríbhinn a lorg roimh ré. Tá an polasaí seo i bhfeidhm chun príobháideacht na mball foirne agus na n-iarrthóirí/gcliant a chosaint chomh maith le hionracas an ábhair mheasúnaithe agus na bpróiseas measúnaithe.

Duine ar bith a úsáideann fearas taifeadta mar seo gan chead, tá an duine sin ag sárú an pholasaí seo. Is féidir iarrthóir ar bith a dhéanann sárú dá leithéid a dhícháiliú ón gcomórtas agus d'fhéadfaí an t-iarrthóir sin a ionchúiseamh faoi alt 55 den Acht um Bainistíocht Seirbhíse Poiblí (Earcaíocht agus Ceapacháin), 2004.

Ina theannta sin, i gcás gur iarrthóir a bhí nó atá sa duine a fuarthas ciontach i gcion:

- sa chás nach bhfuil siad ceaptha chuig post, dícháileofar iad mar iarrthóir; agus
- sa chás gur ceapadh iad de thoradh an phróisis earcaíochta atá i gceist, forghéillfidh siad an ceapachán sin.

Nuair a mheastar go bhfuil iarrthóireacht tarraingthe siar

Glacfar leis go bhfuil a n-iarrthóireacht tarraingthe siar ag iarrthóirí nach bhfreastalaíonn ar agallamh agus ar thrialacha eile ag an am cuí san áit chuí nó nach soláthraíonn, má iarrtar a leithéid orthu, cibé fianaise atá de dhíth ar an tSeirbhís um Cheapacháin Phoiblí i dtaca le hábhar ar bith a bhaineann lena n-iarrthóireacht.

Ní mór d'iarrthóirí gach doiciméad, foirmeacha a eisiúnn an tSeirbhís um Cheapacháin Phoiblí san áireamh, a sholáthar taobh istigh de chúig lá. Mura ndéantar seo, glacfar leis gur tharraing an t-iarrthóir siar ón gcomórtas agus ní thabharfar aon aird ar a n-iarrthóireacht a thuilleadh.

Seirbhís ar Ardchaighdeán do Chustaiméirí

Tá sé mar aidhm againn scothsheirbhís ar ardchaighdeán a chur ar fáil dár gcustaiméirí ar fad. Má tá tú míshásta, ar chúis ar bith, le gné ar bith den tseirbhís a chuirtear ar fáil duit, iarraimid ort an t-ábhar a chur in iúl don aonad nó don bhall foirne cuí. Tá sé tábhachtach go ndéantar amhlaidh de bhrí go gcinntíonn sé go bhfuilimid ar an eolas faoin bhfadhb agus gur féidir linn bearta a chur i bhfeidhm chun an scéal a réiteach.

Tabhair faoi deara: Mura gcloiseann an tSeirbhís um Cheapacháin faoi aon cheist nó faoi aon fhabhb a tharlaíonn duit roimh nó ar lá na dtrialacha/an agallaimh, ní bheimid in ann plé leo ina dhiaidh sin. Cuirfear aiseolas i scríbhinn ar fáil má iarrtar é. Ní chuireann iarratas ar aiseolas as don tréimhse ama atá leagtha amach d'athbhreithniú a lorg.

Rialachán Ginearálta um Chosaint Sonraí

Tháinig an Rialachán Ginearálta um Chosaint Sonraí (RGCS) isteach ar an 25 Bealtaine 2018 in ionad an chreata um chosaint sonraí a bhí i bhfeidhm faoi Threoir an AE um Chosaint Sonraí.

Nuair a chláraíonn tú ar publicjobs.ie nó má chuireann tú iarratas isteach, cruthaítear taifead ríomhaire faoi d'ainm. Úsáidtear eolas a chuireann tú isteach le d'iarratas ar phost chun d'iarratas a phróiseáil. Má bhaintear úsáid as tríú páirtí chun d'iarratas a phróiseáil, is féidir go mbeidh sé riachtanach eolas a thabhairt dóibh, ach cuirfear thú ar an eolas faoi seo roimh an measúnú agus déanfar gach iarracht a chinntiú go mbeidh do chuid sonraí slán. Má éiríonn leat ag Céim 2 den phróiseas roghnaithe, cuirfear do shonraí teagmhála (a chuir tú ar fáil san fhoirm iarratais) ar fáil chuig AGS chun tacú leis na staideanna eile den phróiseas roghnaithe.

Baileoidh an tSCP Sonraí Monatóireachta Comhionannais ar an bhFoirm iarratais. Bailítear an t-eolas seo ar mhaithe le staitisticí agus ní luaifear tréithe pearsanta. Más cuí, roinnfear an t-eolas staitistiúil gan tréithe pearsanta luaite leis AGS.

Má tá fonn ort teacht ar do shonraí pearsanta: maidir leis an tSeirbhís um Cheapacháin Phoiblí, seol d'iarratas i ríomhphost chuig: dpo@publicjobs.ie.

Maidir leis an nGarda Síochána, cuir d'iarratas i scríbhinn chuig:

An Comhordaitheoir um Chosaint Sonraí,
Oifigeach Cosanta Sonraí an Gharda Síochána
Sráid Chéipil
Baile Átha Cliath 1.
Ríomhphost: DataProtection@Garda.ie

Cinntigh go ndéanann tú cur síos suntasach ar na taifid a theastaíonn uait chun gur féidir linn an(na) taifea(i)d cuí a shainaithint.

Tá eolas i dtaca le sonraí pearsanta iarrthóra atá i seilbh na Seirbhíse um Cheapacháin Phoiblí leagtha amach ar an leathanach Cosanta Sonraí de www.publicjobs.ie.

Nochtaí Cosanta

Tá Polasaí na SCP i dtaca le Nochtaí Cosanta (lena n-áirítear Roghanna Tuairiscithe do gach duine a chlúdaítear sa Pholasaí) ar fáil ar:

[Polasaí um Nochtaí Cosanta.pdf \(publicjobs.ie\)](#)

Aguisín A - Ceistneoir Féinmheasúnaithe

Spreagann an ceistneoir seo chun machnaimh thú maidir le conas a réitíonn do chuid scileanna, taithí agus caitheamh aimsire leis na riachtanais dhúshlánacha mar Gharda faoi Oiliúint.

Léigh na ráitis ar na leathanaigh a leanas agus roghnaigh na freagraí is fearr a oireann le do thuairim ar gach ráiteas. Cé nach cuid den phróiseas roghnaithe an ceistneoir, moltar duit freagra a thabhairt ar gach ráiteas sula dtéann tú ar aghaidh le d'iarratas.

An bhFéadfá:

	Aontaím go láidir Ní aontaím	Ní aontaím	Aontaím	Aontaím go láidir
Oibriú i ról in bhfuil an-éagsúlacht				
Pacáistí agus bogearraí TE a úsáid le muinín				
Réimse Scileanna Nua a fhorbairt ar féidir leat a úsáid i do ról				
Insint do thusimitheoir gur maraíodh a bpáiste				
Castacht na reachtaíochta cui a thuiscint agus á chur i bhfeidhm i do ról				
CPR a dhéanamh ar dhuine atá gortaithe go dona				
Leibhéal maith aclaíochta a choinneáil				
Reachtaíocht nach n-aontaíonn tú féin leis a chur i bhfeidhm				
Duine go bhfuil a fhios agat atá ionraic agus macánta ach a bhris an dlí, a ghabháil				
Tascanna a thugtar duit a dhéanamh ach nach maith leat a dhéanamh ar chor ar bith				
Déileail le cuid mhór fola agus le gortuithe tromchúiseacha eile				

A thuiscint agus tú ag obair sa phost go mbeidh ort déileáil lena lán rudaí diúltacha, coiriúlacht agus fulaingt ach gur gá duit meon dearfach a choinneáil.				
Duine atá ag troid in aghaidh a g(h)abháil, a ghreamú go fisiceach				
Oibriú le heagraíocht amháin le linn na gairme ar fad				
Caidreamh maith oibre a chothabháil le do chomhgleacaithe				
Ordú dleathach a d'fhéadfadh thú a chur i mbaol a chomhlíonadh				
Dea-chaidreamh a chothabháil leis an phobal				
Corp a chuardach chun Aitheantas a fháil				
A bheith suaimhneach fiú amháin má thugann duine cúis mhaith feirge duit				
A bheith mar chéad teagmhálaí do dhuine a ndearnadh ionsaí gnéis orthu				
Glacadh le hobair seala an Gharda Síochána, a chiallaíon go mbeidh ort oibriú le linn na hoíche ar fad, nach ionnann le ról áirithe, níl cead codladh agus tú ar dualgas				
Gan a bheith buartha faoi nuacht dhiúltach agus faoi cháineadh éagórach				
A thuiscint fiú amháin i súiomhanna sóisialta, gur féidir go gcuirfear thú in aithne do dhaoine mar Gharda agus go mbeidh tuairim ag daoine áirithe fút láithreach				
D'aitheantas Garda a bheith leat i gcónaí fiú amháin nuair nach bhfuil tú ar dualgas				

Dea-chaidreamh a chothabháil leis an phobal ina bhfuil tú ag obair				
A bheith ag obair le linn laethanta saoire, le linn na Nollag, na Cásca agus deirí seachtaine				
A thuiscint nach dtabharfar ardú céime tríd na gráid do gach duine a fhaigheann post mar Gharda				
Déileáil le ceisteanna báis agus beatha, uaireanta ar bhonn laethúil				
Duine a ghabháil in áit phoiblí agus is féidir go dtaifeadfaí thu ar theileafón póca				
Gan a bheith buartha agus do dhualgais a chomhlíonadh, fiú amháin faoi chúinsí deacra				
A thuiscint go mbeidh do chlann/cairde buartha fút agus faoin ghairm a roghnaigh tú				
Dul ar dualgas i d'aonar				
Cabhair agus cuidiú a thabhairt do dhaoine a dteastaíonn sé uathu				
Dífríocht mhór a dhéanamh i saol dhaoine eile.				